

Lenzburg, ils 7-11-2023

COMMUNICAZIUN A LAS MEDIAS

La nova ediziun 2023/2024 da LINGUISSIMO è lantschada!

La pli nova ediziun da la concorrenza da scriver [LINGUISSIMO](#) è lantschada! Gia per la 16avla giada envida il [Forum Helveticum](#) giuvenils tranter 16 e 21 onns da l'entira Svizra da sa participar a l'occurrènz plurilingua. Il tema da quest onn: «**Pertge betg?**»

Per pudair participar a la concorrenza scrivan ils giuvenils **dus texts**, mintgin en in'otra lingua naziunala. En l'emprim text vai per il tema «**Pertge betg?**». Sche las scholaras ed ils scholars vulan, pon els sa referir ad in lieu spezial en Svizra. Alura vegn lur text eventualmain publictà sin la [charta interactiva](#) da la concorrenza. Lubì è tut: ficziun, descripziun, poesia ... Il segund text pli curt tracta d'ina experientscha persunala cun linguas estras u cun la plurilinguitad.

Las auturas ed ils auturs da las 30 contribuziuns las pli creativas pon participar al **final** che ha lieu questa giada a **Bellinzona** ed è deditgà al tema «**Fa rir mai!**». Il final metta en il center l'inscunter ed il barat linguistic: las participantas ed ils participants scrivan – ensemèn cun in giuvenil d'ina altra regiun linguistica e cun agid dad auturas ed auturs da tut las quatter regiuns linguisticas – ina curta istorgia ch'els preschantan silsuenter a la giuria ed a las autras participantas ed als auters participants. Ils trais megliers tandems gudognan in viadi cuminaivel en in bel lieu da la Svizra.

- Annunzias: www.linguissimo.ch
- Ultim termin d'annunzia: **31 da schaner 2024**
- Ultim termin per inoltrar contribuziuns: **15 da favrer 2024**

LINGUISSIMO vegn organisà dapi il 2008 dal [Forum Helveticum](#), l'organisaziun per chapientscha linguistica e culturala en Svizra. Tut las infurmaziuns davart la participaziun chatt'ins sin www.linguissimo.ch en tut las quatter linguas naziunalas.

Contact per las medias:

Marine Borel, manadra da project, Forum Helveticum, info@linguissimo.ch
Colliaziun per las medias: <http://linguissimo.ch/ch/medias-2>